

附

世系圖

年譜

賜祭文

士林祭

挽詞

行狀

墓碣銘


祝文

世稿跋

記聞錄

詩讀

吳竹圃集三





竹牖先生世系圖

一世

學麟

麗朝翰林學士

二世

質

直翰林

三世

世文

號漢陽東閣學士

四世

謙

秘書丞

五世

臣世

民部典書夫人張氏

六世

李孺

安社功臣三重大匡都僉議贊成事年陽君夫

七世

六和

入朝禮儀本判書夫人晉山柳氏左僕射文

八世

淹

進士官止肅川都護府使夫人鄭氏大提

九世

榮

字智甫進士官止羅州判官夫人奉化琴氏縣

十世

碩福

字慶善號三友臺成化丁酉進士歷寧稷山全



人高興
柳氏密
直使有
奇女

十一世
彥毅

城府院
君之淀
女

十二世
守貞

學矩女
有子泉
淵永榮

十三世
灃

監淮女
有子願
福景福

義晚歲
以宜寧
倅退居
于咸安
與退溪
順齋諸
先生從
遊最切
以先生
賚贈
左通禮
夫人善
山金氏
參軍致
誠女有
子彥毅

字仁遠 初諱從 虎號竹 塢嘉靖 辛卯進 士官止 全義縣 監與退 溪先生 友善義 分如膠 漆以先 生寶承 贈左承 旨夫人 真城李 氏戶曹 參判松 齋先生 堦女有

字正仲 以先生 寶贈 吏曹參 判夫安 順興人 氏司直 灌女有 子湑 灤

字大源 號竹牖 嘉靖辛 酉生買 丙寅文 科官止 慶州府 尹初遊 南冥先 生門後 又受葉 於退溪 先生甚 見器重 享榮川 山泉書 院夫人 金海許 氏進士 廩女

子守貞
守盈

竹牖先生世系圖

竹牖先生年譜

皇明世宗肅皇帝嘉靖十九年我中宗恭僖庚子

九月二十八日乙卯時亥先生生于咸安茅谷里第

在郡東北十里。先生之先高敞縣人中世居京城仁王洞會祖考通禮公以宜寧倅解職始卜居于此先生兄弟三人先生次居第二生而岐嶷人皆異之

二十年我中宗辛丑先生二歲

二十一年我中宗壬寅先生三歲

二十二年我中宗癸卯先生四歲

二十三年我中宗甲辰先生五歲

二十四年我仁宗乙巳先生六歲

始受學于祖考承旨公文才卓異迥出羣兒承旨

遠到

二十五季我明宗恭憲大王元季丙午先生七歲

二十六季我明宗二季丁未先生八歲

二十七季我明宗三季戊申先生九歲

二十八季我明宗四季己酉先生十歲

二十九季我明宗五季庚戌先生十一歲

三十季我明宗六季辛亥先生十二歲

四月丁貞夫人安氏憂伯氏副正公廬墓穀粥咀

夕拜省哀毀執喪如成人人皆歎異之

三十一季

我明宗七季

壬子

先生十三歲

三十二季

我明宗八季

癸丑

先生十四歲

六月服闋

三十三季

我明宗九季

甲寅

先生十五歲

好讀書殆忘寢食

三十四季

我明宗十季

乙卯

先生十六歲

文辭已成筆畫甚妙為一代名流所推服

三十五季

我明宗十一季

丙辰

先生十七歲

三十六季

我明宗十二季

丁巳

先生十八歲

聘夫人金海許氏

生負士廉之女○此一段未詳在何歲姑附此

三十七年

我明宗
十三年

戊午

先生十
九歲

是歲拜南冥曹先生

時曹先生在山海亭
先生往來講學焉

三十八年

我明宗
十四年

己未

先生二
十歲

三十九年

我明宗
十五年

庚申

先生二
十一歲

秋中鄉解生負試

四十年

我明宗
十六年

辛酉

先生二
十二歲

春中生負覆試

十一月子汝樞生

四十一年

我明宗
十七年

壬戌

先生二
十三歲

四十二年

我明宗
十八年

癸亥

先生二
十四歲

四十三年

我明宗
十九年

甲子

先生二
十五歲

是歲拜退溪李先生時李先生聞寧陶山先生有求道之志負笈于門下李先生

生甚重之

四十四年

我明宗二十

乙丑

先生二十六歲

四十五年

我明宗二十一

丙寅

先生二十七歲

退溪先生有贈詩

先是退溪先生與先生之會祖考通禮公祖考承旨公交契甚

密及先生來學累有贈詩記其舊遊之實

○閏十月中別試文科

丙科第七

人○柳西厓武龍金開巖宇宏及一時諸名賢多與樹中焉

權知成均館學諭

○十一月遭祖考承旨公喪

穆宗純皇帝隆慶元年

我明宗二十二

丁卯

先生二十八歲

二年

我宣祖昭敬大王元年

戊辰

先生二十九歲

四月與監司朴公啓覽遊紫玉山

朴公號灌園是時邀先生同遊

玉山朴公賦紫溪十六詠先生次之

○是歲移梅於盆擬上追溪先生

家有梅號焉李先生嘗欲賞玩故移金擬上

三季

我祖二季

已已

先生三十歲

改稚寒暄堂金先生畫屏帖與金草溪立

先是先生適往

聘家見畫屏愛其為金先生之遺蹟以色絹以寫寶藏金先生之孫草溪倅金公立聞而來求故出而與之○南冥先生所撰畫屏跋略曰去歲庚午主上偶於召對問金宏弼遺跡可得見乎承

宣李忠綽登對臣見一民家有金宏弼家藏畫屏帖云先生之孫草溪守立為撰於忠綽忠綽曰會見於縣監吳彥毅家彥毅之孫學諭漢初得於其聘家許元輔之門改稚新絹以與金草溪皆非人力所及

四季

我祖三季宣庚午先生三十一歲

是歲陞學錄未幾辭歸○十二月承退溪先生訃

五季

我祖四季宣辛未先生三十二歲

六季

我祖五季宣壬申先生三十三歲

二月承南冥先生訃○是歲陞學正○夏差護送

官送倭使於東萊

神宗顯皇帝萬曆元年

我祖六季宣癸酉先生三十四歲

七月遭祖妣淑夫人真城李氏喪

二季

我祖七季宣甲戌先生三十五歲

四月丁參判公憂

參判公季踰六十丁內艱勺水不入口葬而疏食形氣削弱至

於不勝喪先生哀
痛益切廬墓終制

三季

我祖八季宣

乙亥

先生三十六歲

四季

我祖九季宣

丙子

先生三十七歲

六月服闋○是歲以博士赴朝

五季

我祖十季宣

丁丑

先生三十八歲

春陞典籍差

敬陵執事

有唱酬詩

夏移拜戶曹佐

郎兼春秋館記事官○冬受暇南還到尚州主倅

鄭公崑壽

號栢谷

設酌劇歡

有唱酬詩

抵高靈登快賓樓

次松齋李先生韻

松齋即參判公外祖卒於正德丁丑而今季適偕回甲故先生

次其遺詩
以寓感懷

○冬出補明川縣監

六季

我十一季 宣祖

戊寅

先生三十九歲

春遽歸

以戶曹時事見處

○秋寓居于宜寧佳禮里別墅

築白巖臺

宜寧即先生贅鄉舊有退溪先生往來遊賞之處先生愛其川石峭奇置墅築

臺以寓真得之趣因以白巖為號後人慕其遺蹟稱吳先生臺云

七季

我十二季 宣祖

己卯

先生四十歲

七月子汝撥生

八季

我十三季 宣祖

庚辰

先生四十一歲

是歲拜典籍陞直講○秋承命點馬于黃海道

九季

我十四季 宣祖

辛巳

先生四十二歲

是歲除旌善郡守

嘯皋朴公承任以書惜之曰以利器試於十室之邑此何等說

也云 ○三月遊金剛山有關 ○秋進參 魯陵 致

祭按魯陵誌萬曆九年辛巳遣承旨李海壽致祭旌善郡守吳澐以大祝來參○有唱酬詩

十季我宣祖 壬午先生四十五歲

夏遊錦江亭亭在寧越

十一季我宣祖 癸未先生四十六歲

是歲入為豐儲倉守 ○秋除忠州牧使兼春秋館

編修官剖決明斷吏畏民懷 ○達八峯書院享陰

公耕灘交李公迺慶先是方伯金公宇宏荆建院字先生踵而成之祠號及堂室扁額皆先生所命也

十二季我宣祖 甲申先生四十七歲

四月刊松齋先生詩集

退溪先生嘗手抄松齋詩集藏諸篋笥至是先生捐

俸繡梓有跋文

○冬罷歸宜寧別墅

先生決累官難斷之訟事涉監司一家見

忤而罷公論稱惜

十三季

我宣祖十八季

乙酉

先生四十六歲

是歲在宜寧別墅

先生以正自守不肯迎合時好坐是多蹇滯棲遲州郡不恤也

及至投閒置散器然自得日必夙興靜坐一室劬書自娛手不釋卷

十四季

我宣祖十九季

丙戌

先生四十七歲

是歲還咸安故里○七月子汝模生○冬寒岡鄭

公為邑宰相與議修社稷壇事

時鄭公以舊壇制度迫隘封墳傾倒

屬伯氏副正公幹其事先生與之營度料理無不詳備

十五季

我宣祖二十季

丁亥

先生四十八歲

是歲與寒岡公撰成咸州志

按鄭公本志序略曰吳大源雲以邑中先

進方提督郡學公私相聚屢與之從容意見既符輯錄斯共云○按是時先生為咸安提督官

秋以提督官掌豐基東堂試

有策題

十六季

我宣祖二十一季

戊子

先生四十九歲

夏拜成均館司成○秋以災傷

敬差官往巡平

安道○冬陞司宰監正

十七季

我宣祖二十二季

己丑

先生五十一歲

春除光州牧使兼春秋館編修官○秋以京畿別

試試官往驪州試所有策題

十八年

我宣祖二十三年

庚寅

先生五十一歲

夏遊息影亭

有唱酬韻

○冬因事罷歸宜寧別墅

十九年

我宣祖二十四年

辛卯

先生五十二歲

是歲在宜寧別墅

二十年

我宣祖二十五年

壬辰

先生五十三歲

夏四月倭賊入寇列邑瓦解乃與忘憂堂郭公倡

義討賊

時郭公糾合里兵侯勦洛江之賊未幾為曹大坤所沮將避入頭流山歷訪先生先

生獎以舉義約與同事因給軍需戰馬與家奴驢健者七八人且激勸同里士友各出精銳推郭公

為將委以討賊而募兵給餉先生專主之迎見招諭使鶴峯金公於中

路招諭使差為召募官○七月特授承文院判

校

時金公以招諭使行至宜寧將渡鼎巖津麾下諸將士皆以爲直路迫近賊所詭告曰鼎巖無

船不可渡透迤趨晉陽爲便先生馳往相見爲言新帥之來軍民氣倍若遵彼迂路軍聲恐墜招諭

使因直渡鼎巖而以先生爲召募官先生收兵數千守靈山上下江灘以遏靈山昌寧玄風往來賊

盡心討賊招諭使據寶馳啓朝廷嘉之有是時除 ○十月隨巡察使金

公駐山陰

時金公爲本道監司駐山陰先生在幕府與趙大笑宗道昌原宰張義國山

陰宰金洛同甘苦○有詩曰竄身天嶺夜風雪換鴛亭殘生不可問何處覓神京云

二十一季

我宣祖 癸巳 先生五十六季十四歲

四月哭伯氏副正公○哭巡察使鶴峯金公於晉

陽城中

時金公以毒癘漸至危瓚先生入問疾曰公病如此國事奈何金公執手訣曰志未

就身先死其如數何賊退則恢復有期朝著間朋黨誰能打破云云及卒先生與趙公宗道朴公惺

李公魯視
歟護櫬

○九月間 大駕自海西回轡 京師

○是歲除尚州牧使赴任未幾以病辭歸榮川草

谷先是家眷避亂榮川地先生因居焉

○撰龍蛇亂離錄今失傳

二十二季

我宣祖二十七年

甲午

先生五十五歲

五月拜內瞻寺正○六月除陝川郡守

以內瞻寺正將赴

朝旋有
是除

二十三季

我宣祖二十八年

乙未

先生五十六歲

是歲巡察使徐公湑累次廢

啓再授陞叙之

命

本郡承大亂之後蕩殘無餘先生勞來撫摩咸得其宜遂成完邑時邑吏散亡殆盡先生以家

僮充官隸至今吏胥多其後孫云

四月兼春秋館編修官○十二

月贈別黃從事汝一巡向湖南

黃公從事元帥府將巡湖南以詩贈

行

二十四季

我宣祖二十九季

丙申

先生五十七歲

春與巡察使徐公會盧公慎宅

二十五季

我宣祖三十季

丁酉

先生五十八歲

八月 特陞通政

時倭寇再動賊酋清正直搗湖南閭帥邑宰舉皆奔避先生不

離郡境諭集軍卒定將勦捕前後斬馘甚多 ○哭

都元帥權公慄馳

啓康獎特命陞資

存齋郭公趨

先生與郭公交契甚厚是時郭公與趙大笑殉節於黃石山城二子一女

二十六季

我宣祖三十一季

戊戌

先生五十九歲

春呈病遞歸○七月付義興衛司果○冬拜陳提

督接伴使赴湖南

陳公名璘

二十七年

我

宣祖三十二年

己亥

先生六十歲

正月隨陳提督還京城○四月拜僉知中樞府事

○五月移拜掌隸院判決事○六月承別試二所

考官之命○七月以先塋改葬事呈疏南還

祖會

以下三世墳塋在咸安地丁酉賊變皆被掘發先生收拾掩土以王事驅馳未暇完寔至是再呈

疏南還○祭伯氏副正公墓

有祭文

二十八年

我

宣祖三十三年

庚子

先生六十一歲

是歲在滎川草谷○五月退溪先生文集刊訖與

諸公祭告陶山院祠

先生與金栢巖玢裴安村齊聚校正退溪先生李譜聖日

參文集告成祭田與諸友出天淵臺講論終日

○六月校正嘯皋朴公文

集于伊山書院○

懿仁王后薨

國恤文書久

不到與西厓柳公書論禮式成服事

五禮儀恤成服以文

書之到日為言而時方伯遠在海邊文書之至未知在於何日成服之議多有異同故先生為書而

論

○七月以

國恤赴

闕付忠佐衛副司果急

五衛將○冬書抵李蒼石峻求白巖十勝詩

白巖即先

生舊居兵燹後久不得歸嘗取十勝景遍求詩於知舊之間以為宴坐臥遊之資

○十二

月與寒岡鄭公共話于宿衛所

叙舊之餘語及咸州志因得閱覽

識其後

二十九季

我宣祖三十四季

辛丑

先生六十二歲

正月除大丘都護府使呈辭不赴○二月乞暇南

還卜築龜川上為終老計因號栗溪

自寓居榮川松楸一念未

嘗少弛取周濂溪鄉山在目中義自號栗溪栗溪乃先生先世舊居也○歸田之後耽書自娛手不釋卷老愈不倦尤好讀周易朱子大全

三十季

我宣祖三十五季

壬寅

先生六十三歲

十二月

賜小學一件

命除謝恩

三十一季

我宣祖三十六季

癸卯

先生六十四歲

四月哭金晚翠蓋國

有輓章

○七月

賜大學一件

命除謝

恩○

是月既望與金栢巖功權南川

斗文朴醉睡漉泛舟遊龜臺下

郡西數里許有石山屹立水之東西

名曰龜臺西龜之下有栢巖亭子

○哭從弟進士淦

有輓章

三十二季

我宣祖三十七季

甲辰

先生大十五歲

四月哭琴惺惺齋蘭秀

有輓章

○秋與朴醉睡權南

川及主倅盧公大海遊浮石寺

寺在順興地有唱酬詩

○重

陽日送金栢巖赴花山

三十三季

我宣祖三十八季

乙巳

先生大十六歲

八月改糴韓歐蘇詩卷

卷即祖考承旨公與溫溪退溪兩先生所共寫者也

歲久磨綻先生以新絹改糴○有跋文

○九月哭藥圃鄭公琢

有輓章

三十四季

我宣祖三十九季

丙午

先生大十七歲

東史纂要成

先生搜究東史撰成一書名以東史纂要○西厓柳公大加贊歎以為可

達於

君上封進一本

○三月與韓晦谷春蘭琴

上有標準儒林之教

勉進應壩遊龜臺

時栢巖公在花山府先生與二公相會寄詩有匹皓鐫前欠一

翁之

○十月哭月川趙公穆○十二月承季父春

塘公訃

三十五季

我宣祖四十季

丁未

先生六十八歲

三月手書朱子感興詩一帙藏于家

篇下有退陶先生序與跋

○四月與金栢巖權南川遊愚寮洞自遠堂

權公後臣

所○五月哭西厓柳公

章有乾

○六月為鄭寒岡書

安東府蓮亭所揭松齋退溪兩先生詩板

按鄭公詩板跋

略曰退陶李先生以其叔父松齋公為本府日有
詩於亭二十季而來過則亭既移而為堂遂敘事
和韻以記其實今七十載矣堂構屢變又經亂離
兩詩俱無見豈不為斯堂一欠哉吳大源湮松齋
外裔也倩筆揭壁以存舊
賞云○時鄭公為府伯
友六十餘人盛張慰
宴於儉巖之川邊
還到宜寧遊白巖舊基
盛張慰宴於歸路歷訪朴居昌廷琬兄弟
白巖臺下

三十六季

我

宣祖

四十一季

戊申

先生大

十九歲

二月

宣祖

大王昇遐

○以

國恤赴

朝

付龍

驤衛副護軍○七月除慶州府尹

平易

臨民一境

歸心

○與友人

策應只思歸卧東岡之陂耳

○祭鶴峯金公墓

書曰歲荒民惇公家之務有難

策應只思歸卧東岡之陂耳

○祭鶴峯金公墓

有祭

文

三十七年

光海元年 己酉 先生七十歲

二月遽歸

三十八年

光海二年 庚戌 先生七十一歲

冬訪朴檜茂檜茂請所構堂名命以翠香

朴公堂前有松

竹蓮菊故先生命以是名

三十九年

光海三年 辛亥 先生七十二歲

八月朱子文錄成

先生於朱子書用工益篤老而不倦殆忘寢食以爲知舊門人

問答書札有退溪先生所選至若封事奏劄及雜著序記之類金切於後學而疏劄尤見愛君憂國

之意乃手抄成上中下三冊題曰朱子文錄常對案上有跋文

四十年

光海四年 壬子 先生七十三歲

春修治外先祖密直提學安公墓

公諱顧墓在順興北甌山寺洞

有告由文

四十一年

光海五年癸丑先生七十四歲

二月改瘞外先祖安文簡公墓誌石

公諱宗源墓在順興破文

洞誌石發露故先生

修墓還藏有告由文

○三月家世志成

纂次本宗世系行蹟

及外家先系事實名以家世志有序文

四十二年

光海六年甲寅先生七十五歲

二月撰退溪先生夫人許氏墓碣銘○五月改撰

東史纂要成

有序文略曰始之編錄詳於傳而略於記末為完書今既刊行則有所未

盡竄改增修不獲己也云○慶州有改撰板而與永川舊板不同

○與韓久菴百

謙書論東史去取

按韓公答書曰嘗見史略麗季

君子棄婦絕友惡言猶不出口陽村乃麗之世臣亦嘗逮事昏朝死生雖不敢易言其何忍至此尋常寫陽村恨之今纂要此等醜穢之說皆刪去不錄真得作史之體云

○是歲議移

建伊山書院

院址墊隘庠下易致傾圯先生與一二同志定議移建

四十三季

光海乙卯先生七十六歲

燕居之室竅作小牖命曰竹牖精舍因以自號

先生

喜其暗去而明來取朱子竹牖向陽開之語以名之時李蒼石守豐基趙玄洲繼韓宰本邑相與從遊唱酬○蒼石詩曰歲歲吾何幸叨忝左席策玄洲詩曰執經高講幄優養通專城云

○是

歲與金栢巖議建書堂於聖齋山東以爲後生肄

業之地

書堂名山泉

四十四年

光海八年

丙辰

先生七十七歲

六月拜工曹參議辭不赴

時朝綱幾察時事日非先生無意出仕引疾封

疏因陳時政得失大要振紀綱肅軍政紓民力嚴宮禁祛偏私納諫諍又請進講朱子大全累數百

言○八月除青松府使十月赴任

先生以累違朝命強起莅任

○與金施甫書略曰再蒙恩命一不趨謝分義未安扶病一行終未免赴任非本意也八袞銅章

豈堪久居云

四十五年

光海九年

丁巳

先生七十八歲

二月以素患胃症漸劇呈辭棄官歸○三月三日

考終于正寢

遠近赴吊無不痛悼

○光海遣官賜賻致祭如

儀○六月三日葬于疊石里坤向之原

距家數里許

正宗大王十年丙午士林建祠于山泉舊址改號寒
泉書院

當子八年己巳南溪世德祠成

竹牖先生李譜終

竹牖先生集詩

卷一

竹牖先生文集附錄上

賜祭文

維靈精鍾山嶽性稟愷悌縫掖傳家簪纓奕世道
墓追陶學宗山海筆追王趙詩摸蘇黃鸞遷弱冠
鵬擊天潢器抱瑚璉賢屈卽潛百里分憂五府鳴
琴惠洽鰥寡謠騰桑麥播棄黎老予有厥責久邀
南服纂修東史立標儒林垂鑑千禩首皓丘園心
丹魏闕一封辭章數斗肝血嘉乃啓沃擬予棟隆
鶴思雲林鳳棲青松天胡不憖而速我奪旣全五
福卿無恨缺予懷之悲左右如失茲遣禮官致祭

于卿靈如有知庶歆予情

士林祭文

朴濂

嗚呼降劉我邦天何其酷往歲龜翁奪之奄忽公
今胡爲又至不淑嗚呼痛哉鸞鵠之姿棟樑之器
位未稱德澤不大施探討之勤白首不置左圖右
書逍遙自適隱惡揚善好施周急鄉賢之社養正
之堂曾所未遑賴公經營志專教育人才可成三
韓遺史纂修分明章章德業照世汗青蓮龜莫貴
華鶴寧存昔我來斯公出迎門羅列豆觴語笑溫
溫今我來斯奠此空罇長號大痛公臥不聞酒淚

同傾永隔九原

又

趙亨道

嗚呼痛哉神降飽德系胄年陽局度魁偉容儀毅
莊氣蘊冲和性兼柔剛丹穴三鳳白眉五常失慈
斷機承祖教誨筆帶顏筋文涌陸海神童擅號道
士稱譽升山海堂入退陶室趨向正大學識端的
弱冠蓮桂立揚當日心期宏遠可做天下志與時
遠大才誰駕牛刀屢試枳鳳幾翥身丁去邠誠切
存楚維郭與姜共糾義旅嶺外形勢江邊保障
行宮萬里嘉乃勤王逮授江陽屢截方張天恩

再優鬢耀崑精臣子分內公實慚驚嗚呼痛哉回
首桑鄉兵火縱橫盡室何處邈矣龜城非婚姻就
異黃鳥賦反寒亭畔幾季資寓爰構新洞公私俱
助龜流抱門鶴岫當戶境界寬閒得公之所 聖
世閒居久謝簪組山院林泉鶴亭船巖佳節芳辰
花岸楓林候誰相從四老同參冠童六七杖屨爭
陪提壺挈榼聽琴撥梅聊以倘佯優哉游哉嗚呼
痛哉歲在丁未公有南行松楸新感桑梓舊情撥
鶴亭下劍溪之汀盛開慰酌少長咸集白首黃花
式燕永夕當時盛事至今猶說嗚呼痛哉生平一

癖景在書籍鄰插盈架韋藏滿軸食息之暇手未
暫釋且念吾東文獻無徵廣哀諸史博考衆乘君
王將相善良逆篡國家治亂歷季長短上自檀君
下至麗末三韓國都八路郡邑詳分備載間附已
意七箇月間繡梓功就遠近爭取家置戶積 聖
明垂覽嘉獎有教東方事蹟明若燭照行世千秋
俾永有辭竊取遺意君子知之嗚呼痛哉徃在乙
卯禍福相倚那知二郎遽遭無妄玉將石焚鴻幾
魚網理直在已所恃者天人謂何害公亦泰然治
非其罪鄒訟其冤 聖恩重浹孤臣再生宥還之

日我在門屏喜氣溢堂歡意盈庭嗚呼痛哉上季
初秋公殁召命封章乞遽繼及時政未疏別刊
最所切請辭溫義直誠感天聽未幾月餘旋
命松府義難再辭暫爲趨赴十月之交五車初下
三朝老臣百里太守首發奸贓吏服明決嗚呼痛
哉光陰似箭歲晏窮峽一疾沉綿計切歸養解組
言旋仲春旣望十里前村非公之宅蟻牀形骸東
首面目天胡難諶竟至不淑左妻右子內親外客
呼之不應問無所答屬續無飄帷堂已設國公大
老巷無居人天歟鬼歟夢耶真耶嗚呼痛哉無狀

贅門卅載于茲生同鄉里早得依歸亂中行裝無
處不隨畢竟生涯共遷江左承顏賜語夜分必罷
奉觴陪歡不醉無已膝下諸兒撫愛亦篤學業成
就維日望切念我罪逆不弔于天俱喪兩親頑命
獨全何時何怙衛卹皇皇所賴我公氣息寧康謂
承眷顧若吾親奉今忽至此使我心痛嗚呼痛哉
日月流邁幽明異牛岡何許公宅之東吉日良
辰載閑玄宮夜臺誰從有我龜翁望中新阡白楊
悲風八十人事一場夢餘九原遺恨萬里匡廬言
念及此淚迸霑裾薄奠長痛千載永辭不昧者存

庶幾格思

又

朴檜茂

維靈性明於誠履蹈其方早受家訓從遊先正世
方沒溺於功利不復知有身心之學而公獨超然
遠覺以朱子一書爲晚來用工之妙考東韓興亡
之跡纂成編帙以爲治亂之寶鑑世方黨同伐異
循俗苟容以釣聲勢而公獨卓然定見不慕榮官
婆娑丘園間適是甘世方侵公植私龍斷爭高邦
國之憂越視秦瘠公獨身居于家心在于國瀝血
陳疏言辭感激真可謂豪傑之士而枉襍之臣矣

望之凝然卽之溫然見善已有聞惡若浼奉祭以
誠待人以敬儉約自守真實端的而筆侔鍾王文
似韓柳則固一國士夫之所共歎息而不已顧我
小子久侍杖屨情親義篤撫愛之恩不啻天顯則
其於永訣之痛烏如何耶嗚呼余自洛還就謁于
青鳬精神如舊起居如常意謂神明之必扶持仁
者之必有壽耶知一疾而至於斯耶嗚呼其在官
也人或勸以臥治則曰豈可以公府爲養病坊也
翻然起來歸臥故里至於易簀之日從容就盡不
及家事非素守之敦能如是乎嗚呼窮達命也壽

天數也皆造物者之所爲矣較其多少長短以悲
以怨而若公之有言著于文有行著于事愈久而
愈彰此吾徒之所以無憾而君子謂公爲不亾矣
靈輅將發幽宅且近而再夜之夢言語丁寧靈必
以此地爲安耶否薄奠寫哀庶幾一歆言有盡而
意無窮徒有淚而浪浪

又

從弟 濟

維靈瑚璉之器鸞鳳之姿早承庭訓詩禮孜孜騷
壇白也筆陣義之昆季三人圭璧聯輝旣捷蓮榜
又通桂籍聲名藉甚門戶煥赫八佩銅章絃誦

洋五入朝堂事業煌煌歲在龍蛇國事蒼黃三京
失守八路塵蒙乃出兵糧以助軍容乃獻醜馘以
奏膚功玉頂銀帶天寵海紆流寓龜城長天鴈
孤逮于聖朝位躋亞卿贈及三世榮生塚塋
七旬加八五福並只述而不作筆下東史忠而不
諱疏上嘉語作宰青鳬卧病白首歸來林壑雲物
依舊庶幾無疾萬壽無疆那知二豎遽宅膏肓嗚
呼昔別南中千里參商中季近地罇酒聯牀鶴汀
花暖鷗渚草芳竹杖藍輿扶醉翱翔今胡舍我一
去茫茫提撕誘掖弟何敢忘天喪斯文吾道其衰

人無表準國失著龜 宸衷悼切恩禮並至襄奉
有期雲輶就隧今日來哭咫尺靈柩明朝入地泉
路隔九既貴既壽兄雖樂歸無依無托弟將何之
一勺清流數行哀文不在玄圃其在崑崙驅雲駕
風遐享苾芬嗚呼哀哉

又

伊山書院儒生

維靈資稟醇懿器度寬偉種學績文弱冠豹蔚遂
擢巍科名動薦紳金門通籍謂將大伸內席才暖
外符長懸吹之煦之八州顛連遭時難否乃僑于
茲鄉有達尊士有名師同我栢老往來有煒詩酒

非樂訓化是事纂述工程日是彌篤案上事業筆
下衮鉞二憂江湖一封魏闕 寵命優渥屏天墳
月簪紱鼎來烜真家庭詩禮餘慶人以爲榮社老
同歡古事今傳康衣皓須望若神仙三牲有養五
馬非心 命勤臥治暫勞鳴琴來暮方歌大限俄
窮謝紱言旋君子考終 聖軫不愆民痛無祿天
乎鬼乎吾黨之厄院宇新遷絃歌方興斯文繼喪
問業誰憑追惟疇昔杖屨聯翩幽明此日有淚潛
然佳城孔邇是公真宅謹具菲薄庶幾歆格

又

司馬契諸生

維靈天資豪越德宇恢弘夙事詩書早擢科名髮
白三朝惠遺八城一封疏章優 旨丁寧要纂東
史筆法森嚴楷端墨跡激烈文談齒爵俱邵人稱
達尊簪笏滿牀世推名門福祿如公當代幾人遷
卜初季幸接德鄰契托芙蓉陪遊言切今當執紼
悲痛曷極不昧者存庶歆菲薄嗚呼痛哉

又

山泉書堂儒生

維靈家傳忠孝天賦冲和內充眞實外絕粉華生
有異質早占巍科八州銅章枳棘鸞鳳頃避兵塵
卜築吾鄉待我鄰比禮意交加薰陶善良庶幾寡

過誠溪教育碑人成章立齋山泉養正名堂優游
覽鏡逍遙詠歸陪叨杖屨百季爲期那知一夕天
奪斯速生榮死哀孰不腸裂吾儕愚蒙偏荷憐恤
今將卽遠彌切痛傷儀形永隔泉路茫茫敢將薄
奠以訣終天失聲長號淚落懸泉

又

青松儒生

維靈尊參三達福全五曰分憂 北闕重臥我邑
歛此大惠施于一方恩倂召杜政擬龔黃我民無
祿遽嬰斯疾累懇辭章以請骸骨天何不憖奪之
斯速承訃驚惶禮當匍匐道途云遠未及殯襲日

月流邁奄踰旬朔謹具菲薄遣余來哭撫筵一呼
心焉摧剝敬陳河酌以告明靈臨觴永痛庶瀉微
誠嗚呼哀哉

輓詞

鄭經世 愚伏

覲面論交二十季詎因瓜葛有夤緣浮生會合元
難數良道音書亦未傳拋印但間歸養疾厭焚誰
料去昇仙傷心案上畱東史一度繙來一愴然

又

沈喜壽 一松

嶷嶷天資近道真世間尤貴讀書人才長政事時
難遇學富文詞氣未申從古南儒聞見博于今東

史發揮新秩躋卿尹猶爲顯鼓缶而歌大裘春
丘園重疊荷 恩光五馬趨朝月值陽宣室雖無
新際會公車還有舊廢揚飄飄孤鶴歸華表炯炯
雙珠去玉堂又有孫郎文若秀傳家善慶遠彌昌

又

李安訥

東岳

東京舊尹早明經晚見門闌奕世榮八郡能名循
吏傳 三朝宿德老人星封章語切輸忠悃 賜
賻恩深軫 聖情小白山高洛江關春秋筆法簡
編青

又

柳根

西峒

交遊四十六年強白髮雖懷兩渺茫頃拜青松來
暫見誰知數月遠云亡諸孫鵠峙兼蘭茁二子薇
垣與玉堂作尹東京非稱德追封三代荷 恩光

又

李尚毅 少陵

曾挹清標山澤仙小堂高燭洛江邊青雲 北闕
非初志白首南州有宿緣驛使纔傳庾嶺信乾文
俄晦壽星躔一時耆舊今誰在目擊遺編倍愴然

又

李 竣 蒼石

武陵家業本詩書到老淹精世更稀竹牖開來渾
去暗芸編閱處遍接微崇班二品垂金袋餘慶諸

郎煥錦衣雋望一時方有屬豈知南極閔梓輝
古家餘澤儘悠哉莫福皆從種德來堂上長期
未老庭中仍喜桂頻開洛城遺愛神君化唐鑑
新編史氏才東郡祇今耆英盡舊遊回首但興哀

又

金玄成

南窓

嵩雲嶺樹久相思何幸之官詣
闕時但喜重逢
如夢裏那知永訣向天涯交期更指黃泉路資送
維翻離露詞東史汗青成纂要芳名亦是古今垂

又

鄭廣成

齊谷

桂籍聲華早雲程步武遙
貂蟬身老日琴鶴政清

時寶樹方聯彩黃梁遽熟炊生芻無路真回首遠
含悲

又

鄭廣敬

圭璋聲望冠當時紫陌鸞坡夙羽儀畫戟清香殘
境趣白雞黃黍夢中悲鮑文見背仁能壽卿月騰
班官豈卑不盡人間身後慶青雲聯彩謝庭枝

又

尹暉長洲

昔時東堂拜後塵最承高義出同倫至今卷裏名
猶黍回首南中意更親八十光陰誰可得子孫榮
達豈無因何知此日成千古欲寄輓詩身滿巾

又

奇自獻

明上

南翁齒德世誰肩鄉社爭推大尹賢見說兒孫多
國器卽知詩禮是家傳瓊華忽報催朝露玉樹終
嗟隔夜泉他日山陽經舊館可堪聞遂涕潛然

又

丁好善

東園

高軒罇酒十載前綠髮蒼顏望若仙玉棺遽從天
上落芳名空入海東編

世家會仰丈人行況是論文玉雪郎推案百里違
執紼晚風吹淚濕哀章

又

李民成

敬亭

不朽由來在立言如公福德庶幾焉位同三品兒
孫顯奉俯八旬伉儷全政績西京循吏傳文章東
國史要編他時先友碑題後三復哀辭淚迸泉

又

李民寢紫巖

早擢黃金榜康強八十春著書嚴史筆棲棘牧疲
人乳復連州穴珠還合浦濱典形今已矣孰不淚
霑巾

又

金涌雲川

去冬仲月哭東浦今暮之春哭老爺天固不遺人
齒德賢何同遇歲龍蛇青鳬仙馬雙飛遠素鏡悲

鸞隻影斜所慰庭前多寶樹羣材貢國且榮家

又

金 垠 溪庵

二品官班八十齡赫然家慶動瞻聆歌鍾歡宴觴
千日朱紫榮輝萃一庭臥治不妨山郡僻長眠忽
八夜臺冥高堂盛事隨流水南極愁雲暗老星

又

李介立 省吾

捧袂江陽郡從遊草谷鄰晚知情獨厚衰境意彌
親講學開心惑論懷露性真儀形無復覩東望淚
盈巾

又

金榮祖 忘窩

栢老歸真未一季大人今又卜新阡追思先友堂
堂盡可耐人情日日遷詩社共嗟盟失主鄉閭謾
羨福膺全一編東史平生力畱與聲名萬古傳

又

沈惇

蜚英關嶺踏金門耆德通班衆所尊家產石麟爲
世瑞身隨野鶴出塵昏後生儀範終無托先子交
遊幾箇存惆悵龜城風雪夜琴樽當日荷慇懃

又

趙纘韓

玄洲

喬嶽精神倣儻姿灑然風格早矜持要津俯仰難
隨俗外簿繁殷易出治歷試府州綿歲月暫歸田

舍轉流離携家計就龜州晚戀闕魂隨象魏馳
久服顏公書法妙更驚班老史才奇處鄉議禪無
非雅訓子方嚴摠是規玉署廕中雙壁迴翰園叢
裏一獅隨八旬偕老安能得五福有全不可期印
綬乍投旋厭世禮官遙降特紆私自從烏郡叨
承誨欲就哀辭淚滿頤

又

成安義

芙蓉

軒昂古心貌綽綽一平生人仰三尊貴天申五福
榮愁雲迷鐵岳落日淡巴城每憶南中語悲來不
盡情

又

全 湜沙西

江左名宗說德門除公斯世孰三尊箕表紫繼難
兄弟施笏牀聯衆子孫萬石家聲光寵極五州仁
化典刑存龍蛇不貸今季會身後哀榮亦足言

又

李潤雨 石潭

遑遑州郡道難行歷仕 三朝作老成壽至耄期
無憾恨官躋京兆足哀榮簪纓滿座人爭慕鸞鶴
充堂世共驚病蟄未能供執紼謾將荒拙寄微誠

又

李大期 雪盞

昔季龜鶴亭中會今日那知隔世期晚歲功名躋

簪玉妙齡科第摘領髭兩朝歷仕忠勞著八袞
將垂壽考頤更有麒麟聯鷗序人間福祿似公誰

又

李彥英浣亭

福祿人稱郭子儀東方今日孰如之擢蓮折桂高
名赫頂玉臨民異績施魯里問安頭幾領朗陵執
綈衆咸悲雙珠俱有同季分寫訣難堪淚滿頤

又

文景虎嶧陽

人間遐福似公誰三達之尊世更儀簪笏滿牀皆
峻望瑤環繞膝是英姿偏承字惠曾多日猥荷慙
懃積幾時仙馭從今長已矣末由挽綈不勝悲

又

趙

靖
黔澗

久繫蒼生望重分嶺外符尊兼齒德爵惠及鰥寡
孤一疾因勞悴諸郎致婉嫵榮哀人莫并行路亦
嗟呼

又

朴齊仁

箕巖

痛哭哀何盡情親獨我君幾季雲樹隔此日死生
分玉軫從今斷我洋孰有聞空將雙雨淚灑與北
歸雲

丙秋赤蘿館論懷肝膽通儀形更離闊念憶竟何
窮約共克衰老終違計莫同關心九原路無樹不

高風

又

呂大老 鑑湖

福器鑄天真和容座上春
螽斯由積善鮒壽驗爲
仁厚分推先契濇情托後人
白頭失知己制淚自
霑巾

又

朴而章

龍潭

青雲路闊蜚騰早丹桂枝芳喜慶因
琴瑟閨門春
藹藹兒孫內外羽觥觥 恩光已溲
追三世壽考
仍臨享八旬五福人間似公少獨
思先契暗傷神

又

金中清

槃川

接人辭氣惻無華持已常期玉去瑕向老劬書功
愈密平生爲善福宜遐九天優渥兼雙胤三世
同朝又幾家倦臥淮陽歸詎得豈知閒頂便凋花
又

成汝信

浮查

曾卜芳鄰襲玉芝通家來往許心知夜闌池閣詩
千首春老溪堂酒一卮滿地干戈長作別連天雲
樹幾相思屋樑殘月驚孤夢回首榮州淚自垂

又

金澤龍

操省堂

高門緣係退陶門況此從遊分義敦伊院居常論
素業龜亭時復展清罇積牀象笏由餘慶滿眼雲

仍裕後昆最恨周王同賞約忍題哀輓淚成痕

又

安璫樂園

白髮三朝老青丘一代英詩書傳世葉簪笏滿
家庭北闕恩方游南柯夢忽驚展看東史纂哀
淚自河傾

又

河渾暮軒

溫厚由真率慈詳出本然會期黃閣老遽作玉樓
仙落月江東曉歸雲嶺北天新阡何處是濡筆淚
如泉

又

任屹龍潭

慟矣白巖丈風流不世才
綠繒鸞鳳翥咳唾火齊堆
雲路逾卑晏黃金獨立裴
幽明今忽隔誰與玉匙開

又

柳仲龍

漁適

康寧甲子擬喬松木稼無端遠計凶
逼古清詞凌鮑謝至今遺愛說黃龔
雙麟瑞世家聲大一鳳儀朝寵渥濃
風樹悲懷雖罔極三槐食報代重重

又

金是柱

開湖

天乎胡不眷吾東纔奪龜翁又我公
玄鶴雙輪乘朗月青鳬兩鳥躡輕風
人間講義知難再地下修

文想與同小子傷心最何事涼涼末路失依宗

又

郭嶠丹谷

天柱新摧世共悲狂瀾橫潰孰張支達尊自致輿
人慕富貴那會素養移一室貂蟬渾視幻四時風
月獨凝思金晶壇宇歸冥漠勳業空紆聖主知
簪組相傳起一門晚耽文籍臥江村緘章魏闕
數忠悃賜節杭州荷聖恩丹鼎未開罹葛恙青
山有約返陶園夏營兆域東岑麓清節餘風裕後

昆

趙清獻公退老領杭州事晏平仲
遺命葬宅後後名之曰清節里

又

朴漉醉睡

昔我贅許門公已上賓筵山寺共書燈巖溪同贈
鱗朋樽或詠歌追隨月幾弦蛟龍豈池中圖南躍
泮淵雲泥路雖殊笠轂情相堅踴躍離羣鴈齟齬
露江邊契沽十餘載智者卜林泉重逢喜欲狂相
對暢幽情華山分一半往來相後先春花幾戲遊
秋月飛玉船材大古難用置閒莫推遷枳棘棲鸞
鳳爲澤不爲川何圖庚子日又值龍蛇季國失著
龜老鄉無地上仙哀榮禮旣備在公何憾焉而我
固無私知心非偶然詩酒期長老牙琴遽斷絃孤
影何所伴攬鏡鎖寒煙西門不忍過衰淚灑新阡

竹牖先生文集附錄上

竹前分三卷和錄

十

竹牖先生文集附錄下

家狀

先府君諱灃字大源羅之高敬人也遠祖諱學麟
以文章顯於麗朝官至翰林學士其後有曰諱臣
世民部典書曰諱李孺贊成事封年陽君曰諱大
和奉翊大夫禮儀判書生諱淹通訓大夫肅川府
使生諱榮通訓大夫羅州判官是爲府君高祖會
祖諱碩福通訓大夫宜寧縣監 贈通訓大夫通
禮院左通禮祖諱彥毅朝散大夫全義縣監 贈
通政大夫承政院左承旨兼 經筵參贊官與退

溪先生相友善先生銘其墓稱以爲人明爽重信義云考 贈嘉善大夫吏曹參判兼同知義禁府事諱守貞追封三代皆以府君貴也妣貞夫人順興安氏副護軍諱灌之女文貞公謹齋先生軸之後也府君於嘉靖庚子九月二十八日生於咸安茅谷里第生而岐嶷迥出羣兒承旨公奇愛之力加教誨期以遠到文辭夙成筆畫媚妙大爲流輩所推服辛酉中生員丙寅登第權知成均館學諭庚午陞學錄壬申陞學正夏差護送官送倭使于東萊甲戌丁外艱丙子服闋陞博士丁丑春陞典

籍夏移拜戶曹佐郎兼春秋館編修官冬出補明
川縣監戊寅秋以戶曹時事遞歸庚辰拜典籍陞
直講秋承命點馬于黃海道辛巳出守旌善郡
癸未瓜滿入爲豐儲倉守秋拜忠州牧使兼春秋
館編修官剖決明斷吏畏民懷一道訟獄多歸之
甲申冬累決難斷之訟事涉監司一家見忤而罷
公論稱屈戊子夏拜成均館司成秋以災傷敬
差官往平安道冬陞司宰監正己丑春拜光州牧
使兼春秋館編修官庚寅冬因事罷歸壬辰家食
于宜寧四月倭賊入寇沿海列邑望風瓦解郭公

再祐糾合里兵侯勦洛江之賊未幾敗散無以爲
計將避入頭流山歷訪府君府君獎以舉義約以
同事因給軍需戰馬與家奴驍勇者七八人且激
勸同里士友各出精銳推郭公爲將委以討賊而
募兵給餉府君專主之岐江以西鼎津以東得免
兵燹於一季有半者府君之力居多其時招諭使
鶴峯金先生據實馳啓於行在朝廷嘉其義
舉特授承文院判校癸巳拜尚州牧使未幾以病
辭歸榮川別墅甲午除陝川郡守兼春秋館編修
官時元帥留駐天兵把守本郡蕩殘無形府君

勞來撫摩咸得其宜仍成完邑巡察使徐涪累次
康 啓再授陞叙之 命丁酉秋賊首清正直擣
湖南間帥邑宰舉皆奔避本郡爲賊一路而府君
不離郡境諭集精卒定將勦捕前後斬馘甚多都
元帥權懷馳 啓自 上特加通政戊戌春呈病
遽歸冬拜陳提督接伴使留湖南己亥春伴還京
城夏拜僉知中樞府事移拜掌隸院判決事秋以
先塋改葬事陳疏南還仍解職家居庚子秋聞
懿仁王后之喪赴 闕以忠佐衛副司果兼五衛
將辛丑春呈辭以歸卜築於龜川之上爲終老之

訃左右圖書玩蹟不倦尤喜讀周易朱子大全至
於朱書手抄封事奏劄殆忘寢食家人慮或勞傷
屢爲規諫則答曰我自樂此不爲疲也裒聚東國
諸史刪冗節約擬成一書名之以東史纂要以寓
夫興亡鑑戒之意其於麗季忠賢事蹟尤致意焉
丁未秋展省先塋於咸安鄉之士大夫開宴席儉
巖川邊以慰之多至六十餘人還宜寧鄉人亦盛
張慰送於白巖舊基少長咸集亦五十餘人觀者
欄街皆稱爲希世盛事曰公之德望非見墓於下
昔者能若是乎戊申春間宣祖大王昇遐奔走

京中拜龍驤衛副護軍留在山陵七月拜慶州
府尹平易益民一境歸心己酉二月遷歸丙辰拜
工曹參議引疾陳疏愛君憂國之言累數百而大
略則請振紀綱肅軍政紓民力嚴官禁祛偏私納
諫諍矣八月除青松十月赴任累呈辭狀方伯不
許丁巳棄官歸以素患胃症卒於三月初三日享
年七十八訃聞上命別致賻遣禮官祭之其文
有道慕追陶學宗山海立標儒林垂鑑千祀等句
六月初三日葬于郡南壘石坤向之原府君性質
寬厚氣度弘毅律已以嚴待人以和居官處事誠

信爲主不爲表襮不修邊幅平生未嘗有崖異之行又不投合時好以求進取坐是多蹇滯不卹也日必夙興靜坐一室劬書自娛手不釋卷因以竹牖自號蓋取晦菴竹牖向陽開之義也兵燹之後寓居榮川而松楸一念未嘗少弛取濂溪鄉山在目中義以栗溪自號栗溪乃祖先舊居也遇文人韻士輒與之討論經史商確古今亹亹不厭樽俎之間和氣油然而好善嫉惡出於天性見善必揚聞惡必斥故善者好之惡者憚之鄉人皆敬慕敬子躬必則古訓或遇聖賢言行切要處招以開示

反復告教每日爲學須爲已凡行已立朝以廉謹
忠信自期不負素學可也少遊退陶南冥兩先生
之門深見稱許及身繫仕宦雖不得源源樞衣於
函丈之間其敬慕尊信之心老而愈篤常對文集
於案上歛衽奉讀若親承警咳焉所著詩文亂離
散失殆盡只栗溪亂稿二卷藏于家配貞夫人金
海許氏生員諱士廉之女進士諱瓚之孫生三男
一女男長汝穩辛卯進士癸丑文科官至弘文館
典翰次汝撥辛丑生進癸卯文科官至弘文館校
理次汝模通德郎女適趙亨道郡守汝穩娶弘文

館校理周博女無子後娶縣監朴廷琬女生二男
長益煥文科修撰娶士人文弘達女生一男塾次
益煥進士女適許宗茂宣務郎生二男二女次女
適李宗培生一男一女汝撥娶洗馬金湊女鶴峯
金先生之孫也以益煥爲繼娶大司諫權泰一女
生二男長德基次慶基汝換娶佔倬齋金先生四
世孫萬戶聲律女生四男一女男長益炗通德郎
生二男二女男長善基餘幼次益煜通德郎生二
男二女次益煊通德郎生一男三女次益煜通德
郎生二男二女趙亨道生五男長咸英進士以弟

咸熙子時瓘爲繼次咸熙生二男一女次咸章生
員次咸哲生五男二女次咸世生員生二男二女
內外諸孫將至二百餘人不能盡記嗚呼府君之
慕道向學之工實有其蘊而求知於人則非府君
之意也何敢私自闡揚以漆不孝之罪也茲以略
叙世系事蹟如右將以板控於立言之君子庶幾
得誌墓之惠是乃不肖區區之望也男汝權泣血
謹狀

行狀

公姓吳氏諱湮字大源高敞人也麗之翰林學士

學麟其遠祖也其後有諱曰臣世民部典書曰李
孺年陽君曰六和禮儀判書判書生諱淹肅川府
使府使生諱榮羅州判官是爲公高祖曾祖諱碩
福宜寧縣監 贈左通禮祖諱彥毅全義縣監
贈承政院左承旨兼 經筵參贊官松齋李先生
諱堦之甥也考諱守貞 贈吏曹參判同知義禁
府事三世追榮皆以公貴妣貞夫人順興安氏副
護軍諱灌女文貞公謹齋先生之後嘉靖庚子九
月二十八日公生於咸安茅谷里第生而岐嶷迥
出羣兒承旨公奇愛之力加教督期以遠到文詞

夙成筆畫遒勁華聞日播大爲流輩所推服辛酉
中司馬丙寅登別試文科權知成均學諭陞學錄
學正壬申差護送官送倭使于東萊甲戌丁外艱
丁丑陞典籍移拜戶曹佐郎兼春秋館記事官冬
補明川縣監戊寅遞還庚辰陞直講秋承命點
馬于黃海道辛巳拜旌善郡守癸未入爲豐儲倉
守秋拜忠州牧使兼春秋館編修官部決明斷道
內詞訟皆歸之甲申冬以決累官難斷之訟忤道
伯見罷公論稱屈戊子拜司成以災傷敬差官
往巡于平安道冬陞司宰監正己丑春拜光州牧

使庚寅病遽壬辰家食于宜寧倭賊入寇遠近列
邑望風瓦解郭公再祐糾合鄉兵勦捕洛江往來
之賊未幾以相失於巡察使金晬將避入頭流山
歷訪公于宜寧公諭以王人不可犯之義且獎
首先舉義之忠約與之同事因募給軍需及戰馬
且以家僮驍健者六七十人與之又激勸同里士民
各出精銳推郭公以爲將而募兵給嚮公專主之
洛江以西鼎津以北得免兵火於一季有半者公
之力居多招諭使金公誠一據實馳啓於行
在朝廷特授承文院判校癸巳秋拜尚州牧使未

幾以病辭歸榮川別墅甲午除陝川郡守時元帥
留駐天兵繹騷本郡蕩殘尤甚公勞來撫摩以成
完邑巡察使徐渚以實廉 啓者至再至三授陞
叙之命丁酉秋賊酋清正直剗湖南閩帥以下舉
皆奔竄公不離郡境諭集精卒定將勦捕斬馘甚
多都元帥權慄馳 啓大廉自 上特加通政戊
戌呈病辭歸冬拜陳提督接伴使滯湖南己亥拜
僉知中樞府事俄遷判決事是秋以先塋改葬事
陳疏南還庚子赴 懿仁王后喪因拜五衛將辛
丑辭還榮川築室於龜川之上爲終老之計左右

圖書揆蹟不倦酷好周易及朱子書手抄封事奏
劄殆忘寢食不以爲疲哀集東國諸史刪冗節煩
撰成七卷名之曰東史纂要不但以儒名者爭先
覩而喜玩之至於西厓柳相公大加贊歎以爲漢
得史家之旨且以爲可達於君上故封進一
本上有標準儒林之教戊申春赴宣祖大王
喪因會葬因山七月拜慶州府尹平易蒞民闔
境懽如己酉辭歸丙辰拜工曹參議引疾陳疏愛
君憂國之語累數百而大要振紀綱肅軍政紓民
力嚴宮禁祛偏私納諫諍矣疏上答曰省疏淡

嘉爲國之誠當留念而議處之仍傳于政院曰此
疏中舉行事抄出議啓八月除青松府使公奉紀
已毫而感激 恩命力疾趨謝赴任後素患胃症
轉劇丁巳二月棄歸三月初三日卒享年七十八
訃聞 上命別致賻仍遣禮曹佐郎 賜

祭是季六月初三日葬于郡南疊石里坤向之原
公性質寬厚器度弘毅律已以嚴待人以和居官
處事以誠信爲主平生未嘗有崖異之行又不投
合時好以求進取坐是多蹇滯不恤也日必夙興
靜坐一室劬書自娛手不釋卷以竹牖自號取晦

菴竹牖向陽開之義兵燹之後寓居榮川而一念
常在松楸取濂溪鄉山在目中之義又以栗溪爲
號栗溪乃先祖舊居也遇文人韻士輒與之討論
經史商確古今亹亹不倦樽俎之間和氣油然而好
善嫉惡出於天性故善者好之惡者憚之鄉人皆
敬慕焉少遊退陶南冥兩先生之門淡見稱詡及
身繫仕宦終不得源源樞衣於函丈之間而其敬
慕篤信之心老而彌篤常對文集於案上歛衽奉
讀若親承警咳焉所著詩文散失於亂離殆盡只
栗溪亂稿二卷藏于家配貞夫人金海許氏生員

諱士廉之女進士諱瓚之孫生三男一女男長汝
穩辛卯進士癸丑文科弘文館典翰次汝楫辛丑
生進俱中癸卯文科昌原都護府使次汝模通德
郎女適趙亨道槐山郡守孫以下不盡記嗚呼不
俟於先生爲葭莩之親且兼師生之誼自及門
以來見聞於先生言行可傳後者不徒止於斯
而辭短文拙不能記其萬一略叙如右以俟後世
立言之君子極知僭踰雖不自揆然其於平日景
慕之誠不可無一言云爾女壻郡守趙亨道謹狀

墓碣銘

并序

公姓吳諱濤字大源號竹牖高敞人遠祖諱學麟
仕高麗爲翰林學士自是以後世襲冠冕高祖諱
榮羅川判官曾祖諱碩福宣寧縣監 贈左通禮
祖諱彥毅全義縣監 贈左承旨考諱守貞 贈
吏曹參判妣 贈貞夫人順興安氏文貞公諱軸
之後副護軍諱灌之女以嘉靖庚子生公于咸安
茅谷里第幼岐嶷異凡兒力學能文中辛酉生員
丙寅文科由成均學諭轉學錄學正差倭使護送
官甲戌丁外艱服闋歷博士典籍戶曹佐郎明川
縣監庚辰復拜典籍陞直講承 命點馬于黃海

道辛巳除旌善癸未以豐儲倉守出爲忠州牧使
兼編修官戊子拜司成秋以災傷 敬差官巡西
路還爲司宰監正己丑除光州兼編修官庚寅解
職歸宜陽壬辰倡起義旅以郭公再祐爲大將討
賊有功時鶴峯金先生爲招諭使據實馳 啓授
承文院判校癸巳除尚州甲午除陝川兼編修官
變凋廢爲完邑巡察使徐渚累次廢 啓再 命
陞叙丁酉海寇再動公守效死勿去之義不離郡
境賊至輒討却之都元帥權慄以 聞陞通政爲
陳提督接伴使己亥還 朝拜僉知移判決事呈

病南還庚子赴 懿仁王后喪辛丑乞暇歸榮川

居間自適者凡七季戊申入臨 宣廟喪七月除

慶州丙辰拜工曹參議仍疾控疏因陳時政得失

大要請振紀綱肅軍政紓民力嚴宮禁祛偏私納

諫諍累數百言 上嘉納之八月除青松丁巳棄

官歸以三月三日卒訃 聞 上命別致賻遣禮

官祭之其文有道慕退陶學宗山海等語六月葬

于家東數里許壘石坤向之原嗚呼公性寬厚器

度弘毅少遊退陶南冥兩先生之門甚見器重其

立朝也以正自守不肯迎合時好坐是多蹇滯棲

遲於州郡及至當蕩殘遇大亂又不肯臨事辭難
忘身循義以能有成功前後四被寵命公於是
可謂不負素學矣至於投閒置散翫然自得坐一
室左右圖書尤喜讀周易朱子大全等書手不釋
卷爲文章蒼古雋偉不爲雕琢粉飾語所著東史
纂要行于世栗溪亂稿藏于家配貞夫人金海許
氏生員諱士康之女賢有識慮言行類士君子後
公三季卒祔葬于公之墓生三男長汝攄典翰子
二益煥應教益焜進士女許宗茂李宗培次汝撥
校理無子以益焜後次汝揆通德郎子四益烜益

石版先生文集卷一
烜益烜益煜女一擁以忠一女適趙亨道郡守五
男咸英進士咸熙咸章生員咸哲咸世生員內外
諸孫男女多至二百餘人意積善餘慶理之常也
銘曰

海嶠扶輿篤生偉人立盟騷壇擅名廷紳酸醎不
入抹掇于時內席未煖外符棲遲中遭劇寇倡糾
烏合迅掃腥膻義勝謀立逮守南郡效死勿去仗
義殉國以遏徂旅 恩褒荐加 寵隆增秩大尹
非榮工部奏樂瀝血控疏引君當道契悟 天衷
少答鴻造養疾僻邑歸袂翩然高風已遠剝馥家

傳七邑治化二百雲仍芳名與齊疊石山層通政
大夫承政院右承旨兼知製教經筵參贊官春
秋館修撰官豐山金應祖撰

寒泉書院奉安文

昔際明宣天相斯文陶山倡道多士盈門倚
歟先生早尋淵源南遊啓軻北學騰轅坐春薰德
立雪摳衣親托彌甥義嚴師資成就令器琢磨圭
璋出爲世用羽儀明廷効勞國亂立言史編一
心奉公七邑鳴絃松老鶴倦馬束車懸明夷利貞
元祐完人壽考康彊存順沒寧愚翁述誅鶴老題

銘古稱秩文胡不祭社遺風寢遠士論齋慨睠彼
山泉有儼精舍爰暨龜翁協議創始講學肄業以
竣後民逝矣萬曆歸然百季芳塵云邈嘉惠未泯
凡我諸生孰非後進登堂肅如典刑若存入室儼
然警咳如聞先生之賜何地可報惟有揭虔以伸
輿慕推遷多季顯晦有待今季何歲宣朗運值士
氣齊奮縟禮將舉豈伊他適爰有我所以祀先生
伊山古例廟非新初訥翁有祠貫仍泉舍咫尺之
移不煩以擾將見順成丁此良辰雪霽風清門子
齊誠遠人觀禮同我數賢躋彼一廟不孤有鄰光

前詔後邊簞靜嘉染盛苾芬自今伊始其永百千
通訓大夫行司憲府執義眞城李級撰

山泉書院常享文

宗師賢弟 清朝蓋臣文章德業永垂後人嘉義
大夫同知中樞府事眞城李守定撰

南溪祠奉安文

山河毓秀奎璧降精穎異聰明弘毅寬厚樞衣山
海立雪陶門琢磨珪璋成就令器文章混浩黼黻
煒煌濶趨高騫逸軌脩道蘊爲德行推之事功國
步艱危倡糾烏合登壇雪涕迅掃腥塵 王庸嘉

之三錫其命接遲郡邑命與時違賦尋遂初編成
麗史博通經傳義理貫心工深邁征行峻清潔高
風世遠山林道長有幽山泉神廟翼翼瞻茲新谷
寔公肇開初立別祠以祀三友竹翁春老共享同
堂金駸我公情禮俱至迺卜吉日祇薦馨香敬菴
寒溪嗣有儀範有恤新宇象設儼然一氣孔昭洋
洋庭牖報事伊始祇肅駿奔惠我光明永世無極
通政大夫承政院右承旨聞韶金熙周撰

南溪祠常享文

道慕宗師功濟邦屯文章德業永世難諉

通訓大夫司諫院正言夏山成彥穢撰

吳氏世稿跋

若鍊自幼已聞吾鄉古有竹牖先生吳公與吾先祖栢巖先生同遊追陶老先生門下自少至老相與爲道義夾鶴髮鳩杖隨處相携凡龜城一域名區勝景至今被二先生之遺芬餘澤每讀吾先祖遺集未嘗不慕吾祖以及吾祖之友焉然生晚識淺不得詳吳先生世德是恨也日吳君司重哀梓其先祖六世逸稿屬若鍊考訂其訛誤若鍊不足以堪茲役願以獲遂其平日景仰之心爲私幸焉謹

受而讀之曰三友臺曰竹塢竹牖公之曾祖祖考也曰敬菴曰誠齋竹牖公之胤子若孫而誠齋之胤又曰伊溪代各有著述或合而爲一冊或分而爲二冊或一世而爲一冊總若干卷誦其詩讀其書皆知其爲有德者之言而又傍考其附錄竹牖公之叔父曰春塘伊溪公之再從曰寒溪皆莫不趾美家庭齊武後先嗚呼其盛矣一門六七世生出許多賢才是豈無所由本者哉由竹塢以上述矣無得以詳其事蹟然三友臺稿只存律詩二竹塢公集但有絕句四兩世遺什合爲六首詩而已

而皆與退陶先生相唱和者也行文則兩世只小
札耳卽竹塢公與其次胤春塘公者而勉令受業
於退陶先生之書也蓋竹塢公爲退陶先生之叔
父松齋公女壻而與退陶先生同學於松齋之門
退陶先生所以交遊唱酬於三友堂父子之間者
實以此也鄭寒岡咸州誌有曰三友公見退陶先
生愛其文雅風采先生亦歎服公詩思筆力從容
觴詠畱其堂累日退陶先生銘竹塢公之墓而曰
與我昆季同遊處切磨義分如膠漆嗚呼視其所
友而不知其人可乎三友竹塢之於退陶先生其

交契既如是之切而戒子受業必以退陶及其孫
竹牖公又受學于退陶一家四世親炙於大賢之
門而敬菴以下諸公之得於其家庭又皆累世師
門之緒餘則宜其祖傳孫承父詔子受至于六七
世之久而其澤有不斬者矣顧不盛哉雖然天既
生出許多賢才於一家之中而不使之一大施於
斯世何也三友竹塢官以蔭補止於縣邑竹牖敬
菴早擢科第終不顯用誠齋伊溪高才巨手只得
上庠而伊溪則又有賢子令孫而相繼夭折卒窮
阨困苦以終其身嗚呼其可惜也已夫以竹牖公

身親有道名登仕路而忠君庇民之志只寓於收
義族保殘邑之際及其末季實當光海昏朝其所
以與吾祖逍遙徜徉於山水間者可見出處之得
正而敬菴公又能超禍網沉下位克保其名節噫
是豈可以爵祿揆之哉若使誠齋伊溪踵父祖躡
雲衢得展其素蘊則亦足以恢張先業光輔明
時而是固天運之所關而人力之所不能致者耳
嗚呼源深則流長根厚則枝茂一門六七世種德
而不食其報其遺諸後人爲吳氏裔孫者其可不
自力無忝之道以竢夫流長枝茂之理也哉通政

大夫承政院同副承旨宣城金若鍊撰

記聞錄

吳濠字大源號竹牖生於嘉靖庚子居咸安後居
榮川登先生門力學能文早闡科名歷試中外壬
辰之亂倡起義旅以付郭再祐討賊有功鶴峯據
實啓聞陞品除職後累官至慶州府尹歸田之
後一室圖書尤喜讀周易朱子大全手不釋卷所
著東史纂要刊行于世

溪門諸子錄○權
蒼雪斗經所錄

余於郡求單父之所友武城之直經吳大源濠以
邑中先進方提督郡學公私相聚屢與之從容意

見既符輯錄斯共

鄭寒岡所撰
咸州志序

公以前牧使吳濠為宜寧召募官

時鄭演為督後
將權鸞為突擊

將李雲長為收兵將沈大承裴孟仲為先鋒將許
彥凌典軍餉姜彥龍治兵械鄉之饒戶爭擊牛出

米輪日

兼摠其數以助聲勢

公即金鶴峯○李松
嚴曾所撰龍蛇錄

宜寧無倖公

鶴峯以吳判校濠為召募官俾與郭

再祐協心召聚濠自再祐起義之初捐財餉軍至

是益盡心焉

同上

吳牧使濠收兵于白巖郭大將再祐雷軍於世干

左洛江右鼎湖沿湖上下六十里之間或擊或逐

賊不能肆其衝突餘民賴而作農

同上

吳令公灃字大源始居咸安後居柴川草谷篤好
書史老而不倦手抄東史事蹟可爲勸誡編爲六

七卷名以東史纂要行于世與金參判玟同庚又

卜鄰同居詩酒相從爲一鄉之所慕羨

李炊沙汝
馥師友錄

權陶隱虎臣嘗誡其子弟曰有長者風無世俗態

有竹牖吳公灃吾常倚重之如賓師爾曹其體念

哉

權東巖
省吾錄

竹牖誠於作人造士必因其材而篤焉拙薄早蒙
勸獎之恩晚紆眷顧之勤此豈非無棄才於大人
之門也拙薄之進侯者數矣見客位壁上掛蒼石

有聲盡八詠蓋以其江亭在南鄉舊基也誦其詩
得其趣可見江湖性情淡得臥遊之高興也先君
嘗曰竹牖平生未嘗與下吏附耳語此人所難及
處又不曲奉貴人不諂不瀆不亦君子乎上同

竹牖嘗留宿弊廬先君語及嘯皋集竹牖曰如碑
銘尤好足傳後世仍自歎美不已是其心好不啻
口出是時竹牖與栢巖同議纂山嘯皋遺稿故也
先君又問東史纂要是乃竹牖所著答曰吾只據
管見分類麗朝歷代人物出處而其尾必有語以
結之竊取義於史斷以竢後之直筆者蓋謙也同上

投贈詩章簡牘

贈吳大源

退溪先生

憶我題詩和昔英當時身不綰朝纓浪遊蹤跡追
堪笑佳處軒楹記尚明庭際官梅奈絕池中明

月幾虧盈今季又負南行計慙媿平生累世榮

送判校灑侄赴任陝川

叔父春塘

遠向江陽去棲棲阮始平每季隨外補何暇入王
城久別心常憾相逢恨轉生滯頑堪送老板附豈
要名世亂何時定離懷此日并解懸羣望切許國
一身輕海徼兵塵暗朝廷簡選精應分九重

念蘇濟一方氓舉目山河異傷心夜月明兩鄉皆
失業雙鬢欲添莖廢砌蛩啼露寒江鴈打夏東裝
臨北去旋旆復南征親舊誰相問風煙獨慘情溪
邊空野立揮淚望行旌

以內贍正將向
京旋除陝川

憶江陽倅雲侄

春塘

遠憶江陽倅晴窓坐自朝寒蛩吟唧唧落葉響蕭
蕭去住情相切關河路幾遙他時能解綬樂事寄
漁樵

憶雲侄

春塘

井底平生媿談聞飄飄未得賦凌雲修身欲學會

三省判事還同陸五斤北嶽雪埋春色杳東溟煙
散曙光分從前鹵莽季來甚愛爾才華自不羣

白巖八景 并序

李蒼石坡

庚子冬余薄遊秦中吳判決先生在禁直
書抵余曰白巖吾舊居也家臨清洛有山
水之勝兵後不得歸餘十季矣回首孤丘
不知隔雲嶺幾重耶想五柳荒涼無復陶
令之宅百花蕪沒亦非杜陵之庄卽今轉
客都下歲且向晏永夜孤夢空繞煙江白
鷗之畔敢以白巖十勝書上願得君有聲

盡掛之宴坐以寓卧遊之興顧余筆力不
逮誠不足以副先生之請矣翌季春公
病還龜城路過丹陽叙寒暄畢復以微
吟不置辭不獲已遂於拄笏之暇草草吟
就錄呈案下鈇刀刻猪豈能以少逼其真
也

青山宛轉似青娥雨後黛色添天斜靚粧夏被輕
嵐助玉貌依然籠碧紗翠暈朝來入畫簾寒光日
暮齊棲鴉幽人對此心悠悠夢魂那肯落東華

右閣掘晴嵐

江水季季淘玉屑十里迷茫來晴雲莎草青時覺
轉明蘆花白處渾未別夜窓每喜曙光早夏簟便
宜冷氣徹箇中何事最難摹落鴈翩翩影明滅

右鼎津明沙

鳴鳩乳鷺日將午隱隱雷車響玉宇俄頃一陣風
南來倒卷雲江作飛雨郊頭柳絲輕萬腰牀上蘭
香濕一炷一杯未盡銀竹收但見青煙暮浦樹

右長林晚雨

雨晴潭水磨青銅寒蟾影落澄波中靜如沉璧動
躍金冰光練色涵玲瓏明河低影地若浮纖雲

盡天逾空恍然坐我通明殿冷冷沆瀣清心骨

右南溪霽月

李來苦厭世情澆石底明泉爲淡交紅塵永辭蹋
九街白玉長憐流一條時將清疵濯我纓令人頓
覺除煩敵何緣煎作東阿膠淨盡黃流千丈湑

右石泉濯纓

柳風吹水文成綺磯頭愁倚忘機子簇簇者魚幾
百頭大餘一尺小如指悠然而逝帖然來潑潑洋
洋問誰使魚乎莫羨點額榮一生行雨真苦事

右柳磯觀魚

遮山映水春光融造物偏施裁剪功應知綺席餞
東君紅裙步出瓊瑤宮粧腮幾泣枝頭露舞袖飄
香簾外風何因乞取百花幡護却猩紅萬千叢

右春岸躑躅

寒江一夜白露凝青楓萬樹紅霞蒸艷枝欲吐二
月萼絳焰疑懸千炷燈日出何嫌照灼迷雨洗更
喜光輝增當時九九遣花開寄語七七休自矜

右秋山錦繡

右十景中既有晴嵐晚雨則其下暮煙黃雲意
似重疊故刪去之僭踰極矣適官冗叢沓未得

別修候札仰恨而已只祝梅霖燕居令體千禧

白巖十勝

趙玄洲續集

自明窓外無真像故借山光作定姿淺抹斜陽搖
縞帶捲簾長在晚晴時

關掘晴嵐

生憎皎皎津沙白一任行人踏去迴可但夜淡疑
月色更教春望訝雪堆

鼎津明沙

無限層陰天際合翠帷青蓋列郊墟斜風過雨微
茫色欲倩龍眠畫不如

長林晚雨

村墟暝色誰先得處處人家起夕煙颺翠搖青還
不散一時濃翠野桑巔

前村暮煙

南溪霽月
瑶溪霽夜偏多月携酒人來似畫圖靜會遊鱗羣
食處金波微動渚禽呼

極目湖田杭稻熟不知霜落暗相催若非海戍屯
雲近無乃黃河天上來東野黃雲

潑潑幽泉寒瀉石靜憐如玉響琮琤纓誰可濯何
煩足笑殺滄浪濁夏清石泉濯纓

溪畔苔磯垂柳下朝來暮去不曾閒貪看魚子相
忘樂吾亦還忘把釣竿柳磯觀魚

季季躑躅花開岸照耀千層水底明開落專勝武
陵岸何曾安引世人行春岸躑躅

金甌一夜霜華重疊紫千峯萬壑同莫向世間輕
富貴自身長在錦屏中

秋山錦繡

白巖十景

春塘

千丈高峯一劒孤晴嵐如絮遠還無若非當日龍
眠手定是營丘水墨圖

閣掘晴嵐

鼎水秋清帖瀾汀洲處處寫驚寒平沙極目明
如雪付與輕鷗任往還

鼎津明沙

村北村南雨脚飛平林藹藹轉熹微
枯盡慰農

人望更入前溪溪水肥

長林晚雨

暝色蒼茫接海雲炊煙橫帶暮江村等閒未得酬

清償誰與茅簷共一罇

前村暮煙

窈窕前溪月滿川
清宵水月兩嬋娟
雪晴須待山陰夜
欲放幽人訪戴船

南溪霽月

田間幾許薦豚蹄
滿畝黃雲隴上齊
豐稔如今偕往甯
太平煙火樂羣黎

東野黃雲

湖上朝來麗景晴
詠歸春服晚風輕
溪邊石竇清泉在
杖策尋源更濯纓

石泉濯纓

簾竿垂了釣魚絲
陌上和風柳絮時
騷人更得濠梁樂
盡日忘機坐石磯

柳磯觀魚

千層舊日聞嵩少
想見蒸霞岸變容
萬壑千峰多

少募狂風翻作暫時紅

春岸踟躕

滿山紅樹飽清霜却笑停車去又忙何似溪亭無
外事李李長占好風光

秋山錦繡

補遺二絕

淒涼霜露曉光虛寥落星河亦有無十里江城調
畫角輕風吹送小單于

山城曉角

迤迤長路接城闌日日奔忙有幾人誰識主翁高
枕處晴窓不到馬蹄塵

官路行人

題竹牖精舍

李蒼石

先生於燕居之室竅作小牖喜其暗去而

明生取朱夫子竹牖向陽開之語命之曰
竹牖徵余語以識之紙薄筆鈍尤覺沒彩
若加刪潤更得二郎筆藻飾良幸

暗室初看竹作檣不嫌淇岸削青青陽輝忽曬新
書架縹氣初來古玉屏瞥瞥眼塵渾拂拭惺惺心
地本虛靈何緣一就焚蕤裏妙訣丁寧聽喚醒

奉呈竹牖令公

趙玄洲

今夕知何夕乾文聚福精執經高講幄便養適尊
城二子皆時哲諸孫揔世英八旬雙鶴髮誠孝足
生榮

竹牖席上次玄夫韻

蒼石

仙人臨絳縣瑤草掇黃精清夜飛瓊瑩華遠擁火
城芳辰憐晚晚盛會續耆英歲歲吾何幸叨忝左
席榮

答吳大源書

朴嘯皋

在驪病中聞君出宰山水郡一賀唁唁八方盤錯
之地不爲不多而必以利器試之於十室之邑此
何等說也然蓄而發之必有其日此賀在唁中者
也

答吳大源書

柳西厓

天降大割 國變至此普深哀慟卽日謹承辱問

仰慰實多禮式成服事此問之議亦多異同以事
言之五禮儀旣以文書到日爲言當待公文之至
次第舉行無可疑者但今則聞方伯遠在海邊文
書之至未知何日而聞 訃之後凡百禮節不容
晏然如舊而哀情在中久抑不行亦似未安不知
何以處之然後可合於情禮而無違於 國典也
如鄙生者以罪廢之臣卽不敢與於成服之列則
於事本無所拘而又不必等待他人故初四日得
府吏之傳卽出江舍西望號哭其後第六日又出

江舍變服而已此乃生自處之道不可例論於他人也鶴峯志行不可泯滅以平日分義交情言之則鄙拙不容辭而方爲世所攻其家子弟兩耳必聰豈不聞時議而謬有所屬以累其先人耶假使求之生亦不敢應也

奉謝吳令公書

韓久菴百謙

竊念世分無便一侯門牆但切景慕不意茲者休承令賜辱帖仍得審林居動靜神相暇日工夫專在書史上令人且感且慰不任區區百謙自少多病不得專意學業中季又因親老家貧汨沒蔭祿

荏苒之間齒髮遽如許矣苟保性命之外無足與
人道上季與舍季同在轍中又得見東史纂要相
與感歎吾令丈用意之勤因以所疑僭附其後以
自慰耳亦不敢以是求多於先輩也不圖此紙得
適左右千里酬酢如影響也其紙頭所題無不明
白簡當切中鄙病謹依指教並加刪改其所去就
從違之意又別具一通以稟之矣謹附驥尾而傳
遠亦非蚊虻之本望不敢當焉三記亦嘗借人暫
見今又得蒙示序文見之猶知其撰述終始曲折
維如此而後可爲全書概服之餘而所附僭論

之太早也嘗見史略麗季昏暴相繼天厭人棄其
亾固有說矣至於閨闈隱暗之事極其醜 狼籍
載錄維恐後世不聞知君子棄婦絕友惡言猶不
敢出口陽村乃麗之世臣亦嘗達事昏朝革命之
際死生雖不敢易言其何忍至此尋常烏陽村眼
之今纂要此等醜穢之說皆刪去真得作史之體
甚善甚善但節義補遺中元天錫又見遺九泉中
一言之譽猶有數耶錄載別紙然無及矣可惜朴
上舍一紙極其博洽令人感服其說與令丈答問
相爲出入故不更作別狀此意轉謝幸甚節屬寤

陰伏祝令為道倍加珍此

卷之三

三八

嘗記昔季余拜大隱翁翁爲此所謂栗溪亂稿者
一冊示余曰先祖竹牖公以文章名世平生著述
必不止此而中經家禍重以鬱攸之灾所弄書籍
蕩洗灰燼殘篇斷簡僅存於今日者惟此而已後
人之恨當復如何余起而復曰九鼎一臠足以知
全味丹穴一羽足以知渾體何必多乎哉况先生
所撰纂要卽海東一部春秋使亂臣賊子有所懼
世教民彝有所扶則其文已炳烺於天地間矣雖
然竊觀夫世人所謂死後優有者未必皆有所裨
補而猶且朝剖暮剝不知止也夫以先生之洪球

大壁堙沒晦蝕於塵行蠹蝨寧不爲後學之不幸
耶翁旣歿而翁之孫達卿慨然有繼述哀輯之意
往來榮禮間諸名勝故家舊宅廣搜博訪證以先
世所藏彙爲先生文集若干卷又求先生生平出
處始終顛末編成年譜而係以當時輓諱狀銘投
贈簡牘於後謂之附錄草本纔具未及就緒而達
卿遽爾作泉下人余常悲其齎志徑逝其後歲月
忽已數十季餘每對吳氏諸人未嘗不爲之慨惋
一日吳斯文厚相氏賁先生文集年譜淨寫一本
來授余且諭之曰此乃族君司重與榮之諸士友

所修正而求序於李正言級甫者願吾子之更有
以詳之也余累辭而終不獲則謹受而卒業焉蓋
榮本以達卿舊本稍爲之增損上下而體裁規撫
則尤加密焉第恨其間猶頗有偶失照管而疎漏
未及釐正而訛舛者輒不自揆遂與吳丈參取達
卿舊本芻採諸家信筆或有添補處或有剋減處
視諸榮本則大同而小異焉豈敢求多蓋欲無憾
於先生而已九原可作達卿庶幾少有慰焉余旣
於大隱翁與聞其始而今又得相斯役似不爲偶
然且偉夫吳丈爲先之誠老而愈勤遂書此以志

之後學月城崔興璧謹書

竹牖先生文集附錄下

